

Kommunimut pilersaarummut tapiliusseq, 4D12-1, Viska, Qinngorput

Aalajangiiffigisassaq

J.nr.: 16.03.01.01-P16-7-18

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliussassatut siunnersuut "Viska, horses & rooms" pillugu pilersaarut tunngavigalugu suliarineqarpoq, pilersaarusionerq pillugu inatsisissatut allannguut 01/01 2016-imeersoq naapertorlugu, taannalu 13/06-2017-imi kommunalbestyrelsimit inaarutaasumik akuersissutigineqarpoq. Kommunimut pilersaarummut tapiliusseq iluaqutigalugu immikkoortup ilaanik nutaamik immikkoortitsisoqassaaq, 4D12, taannalu 21 ha-it missinginik angissuseqarpoq. Kommunimut pilersaarummut tapiliussami 4D12-mi aalajangersarneqarput immikkoortup ilaata illoqannginnersatut atorineqarnissaa, killilimilli illuliorfigineqarsinnaanissaa.

Kommunimut pilersaarummut tapiliussami sukisaarsaartarfimmik hiistit pinngortitarlu qitiutillugit naapittarfimmik takornarianillu orninneqarsinnaasumik pilersitsisoqarsinnaavoq. Pingaartumik qaqqaq, Ukkusisseq (Store Malene) Qinngutsinniittoq sukisaarsaariarfigissallugu nuannarineqartorujussuavoq, Nuummiunit tikeraanillu ornigarneqartuarterluni. Taamaattumik ingerlatsiviup nalilerpaa, sumiiffimmi immikkoortoortuni ataasiakkaani malittarisassat pilersaarusionermullu tunngasut nassuiaatiginissaat pingaaruteqartoq, tamakkununga ilanngullugit hiisterluni aqquutit naammattunik allagartalersorneqarnissaat.

Kommunimut pilersaarummut tapiliusseq siunnersuutitut sapaatit-akunnerini arfineq-pingasuni piffissami juunip 27-ianniit – aggustip 22-iata 2018-ip tungaanut tamanut tusarniaassutigineqarsimavoq, aammalu tusarniaanermik akissutit sisamat pissarsiarineqarsimapput, taakkuli oqaaseqaataat oqaaseqatigiinnik iluarsiinermik taamaallaat kinguneqarsimapput.

Aningaasaqarnermut Inuussutissarsionermullu Ataatsimiititap 2018-imi novembarip ulluisa 8-ianni ataatsimiinnermini suliaq akuersissutigivaa Kommunalbestyrelsimullu inaarutaasumik akuersissutigisassanngorlugu ingerlatseqqillugu.

Inassuteqaat

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- Kommunimut pilersaarummut tapiliusseq 4D12-1, Viska, Qinngorput, inaarutaasumik akuersissutigineqassasoq

Suliassamik saqqummiussineq

Kommunimut pilersaarummut tapiliussami Qinngutsinni hiistertarfimmik pilersitsisoqarnissaanut periarfissiisoqassaaq, naleqquttunik atugassaqartitsiffiusumik soorlu hiistertartut inaat, hiistit inaat, hiisteriat illuaraat, café aammalu ivigartortarfiit.

Immikkoortup ilaa ullumikkut immikkoortup ilaata 4D5p ilagivaa, sukisaarsaartarfiusoq annertusisseq aammalu tamaani najugalinnik tikeraanullu asiartarfik. Taamaattumik kommunimut pilersaarummut tapiliussami aalajangersarneqarpoq ersarissunik hiistertunut aqqutiliortoqassasoq,

hiistit ingerlaffigisartagassaannik. Kisianni aqquutit Qallussuup imeqarfiata killeqarfianit ungasiartumut inissinneqassapput.

Pilersaarummi matumani immikkoortup ilaa pioreersoq AD5 avinneqarpoq immikkoortup ilaanut annikillillugu 4D5-mut aalajangersagartai allannguuteqartinnagit immikkoortorlu nutaaq 4D12 sukisaarsaartarfinngorlugit, tamatumunnga ilanngullugu siunertamut illuliorfigineqarsinnaanngorlugu. Nunataa sanaartorfissatut pilersaarummut aallaaviuvoq, taamaasillutik illut anginerit soorlu hiistertarfik aamma hiistit inaat qaqqamut Nunataa sanaartorfissatut pilersaarummut aallaaviuvoq, taamaasillutik illut anginerit soorlu hiistertarfik aamma hiistit inaat qaqqamik qaartiterilluni ilaat qaarusuliami sananeqarsinnaammata taamaasillutillu pinngortitami angivallaaratillu inituallaannginniassammata. Aamma hiistit inaannik sanasoqarnissaa kissaatigineqarpoq, hiistertartut inaat aammalu hiisteriartut illuaraat tallimat, taakkuli qaqqap qaavaniissapput ammasunik toqqavillit.

Kommunimut pilersaarummut tapiliussaq imaattunik siunertaqarpoq:

- Immikkoortumik ataqatigiissumik pilersitsisoqassasoq illut malinnaatillugit nunallu pitsaassusaanut tulluussarlugit, taamaasilluni immikkoortup anginersaa sukisaarsartarfittut tamanit atugassanngortinneqarluni.
- Kommunimut pilersaarummut tapiliussami sukisaarsaartarfimmik hiistit pinngortitarlu qitiutillugit naapittarfimmik takornarianillu orninneqarsinnaasumik pilersitsisoqarsinnaavoq.
- Innuttaasut tamarmik tamaannartarnissaat qulakkeerneqassasoq aammalu pisariaqartinneqartunik illuliassanut attaveqaatiliorfissanillu pisariaqartinneqartunik inniminniisoqarnissaa.

Aaqqiissutissatut siunnersuut – suliatigut naliliineq

Tamassuma illoqarfiup qanittuani pilerinartutut sukisaarsaartarfiunissaa eqqarsaatigalugu hiisterfissat erseqqissumik allagartalersorneqarnissaannik piumasaqaateqarnikkut sumiiffiup pitsaaquterpassuunik illuatungaaniittullu sukisaarsaartarfiunissaannut pitsaasumik ersarissarnissaanut iluaqutaanissaa Sanarfinermut Avatangiisinullu Ingerlatsiviup nalilerpaa. Peqatigitillugu Qallussuup imeqarfiata killeqarfianit hiistertarfiit ungasiartumut inissinneqassapput, illoqarfiup imeqarfiata mingutsinneqarnissaanut aarlerinartoqannginniassammat.

Sanarfinermut Avatangiisinullu Ingerlatsivik isumaqarpoq illuliarineqartut nunap pitsaassusia malillugu ilusilersorneqarnissat pitsaasuussasoq, taamaasilluni immikkoortup sukisaarsaartarfiunissaa illulianit angisuunit akornusersorneqannginniassammat.

Aningaasaqarnikkut sulisoqarnikkullu naliliinerit

Allannguutissatut siunnersuut aningaasatigut kinguneqassanngilaq.

Inatsisitigut tunngavissaq allakkallu tunngaviusumik uppersaatitallit

Pilersaarusionerq aamma nunaminertat atorneqartarneri pillugit Inatsisartut inatsisaat nr. 17, 17. november 2010-imeersoq aamma

Inatsisartut inatsisaat nr. 34, 9. decembari 2015-imeersoq

Kommunimut pilersaarut digitaliusoq www.sermersooq2028.gl

Ingerlariaqqinnissaq

Kommunimut pilersaarummut tapiliussaq Sanarfinermut Avatangiisinullu Ataatsimiititami akuersissutigineqareerpat Aningaasaqarnermut Inuussutissarsiornermullu Ataatsimiititamut akuerisassanngorlugu ingerlateqqinneqassaaq, kingornalu Kommunalbestyrelsimut inaarutaasumik akuersissutigisassanngorlugu ingerlateqqinneqassalluni.

Kommunimut pilersaarummut tapiliussaq 2018-imi novembarip naalernerani tamanut saqqummiunneqassaaq. Pilersaarut inaarutaasoq kommunip nittartagaatigut tamanit aaneqarsinnaalissaaq www.sermersooq2028.gl.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfiup suliaq qulaani pineqartoq akuereqqullugu innersuussutigaa.

Innuttaasunik peqataatitsineq/attaveqaqatigiinneq

Kommunimut pilersaarummut tapiliussatut siunnersuut sapaatip-akunnerini arfineq-pingasuni piffissami juunip 27-ianniit - aggustip 22-iannut 2018-mut tamanut tusarniutigineqareerpoq.

Piffissami tusarniaaviumi tusarniaanermi akissutit sisamat pissarsiarineqarput, taakkunannga oqaasertaanut annikitsumik allannguisoqarpoq ataaserlu hiistit anaannut katersuivissap matusartuunissaanut tunngavoq, silaannakkut mingutsitsisoqarnissaa pinaveersaarniarlugu, aalajangersakkani ilassuteqarnermik kinguneqarluni.

Ingerlatsivinnit allanit oqaaseqaatit

Soqanngilaq.

Siusinnerusukkat aalajangerit:

Aningaasaqarnermut Inuusutissarsiornermullu Ataatsimiititap aalajangerera 8. novembari 2018-imeersoq:

Inassuteqaatit akuersissutigineqarput.

Sanarfinermut Avatangiisinullu Ataatsimiititap aalajangiinera, ulloq 6. novembari 2018:

Inassuteqaatit akuersissutigineqarput.

Ilanngussaq

1. Tusarniaanermut akissutit ingerlatsivimmit suliarineqarnerat.
2. Tusarniaassummut akissuteqaat
3. Kommunimut pilersaarummut tapiliussaq 4D12-1, Viska, Qinngorput